

Aplàusos in Tortolì pro sa presentada de su libru 'Danzando sotto la pioggia' de Stefano Floris



Cenarba coladu, in sa biblioteca comunale "Joyce Lussu" de Tortolì, est istadu presentadu su libru "Danzando sotto la pioggia" de Stefano Floris. Nàschidu in Roma in su 1975 dae babbos sardos, Floris at cumintzadu sa carriera sua in su 2004 comente produttore de programas televisivos e dae su 2012 comente ghia de safari.

Connotu in còpia cun Tiziana Nuvoli pro sa trasmissione televisiva "Ovunque Sardi", pro belle un'ora e mesu s'autore at emozionafu cun is contados suos su pùblicu presente in sa sala de sa biblioteca comunale. Su libru autobiogràficu, publicadu dae Santelli in sa collana Narrativa Santelli, tratat de s'infàntzia sua in Roma e de su trasferimentu suo a Sardigna cun sa famiglia. Sa narratzione, arricchida dae unu tocu de ironia e meda emozioni, contat de is milli dificultades, is rutas e su riscatu de Floris, sutaliniende su ruolu fondamentale de su biàgiu, mescamente de una ventura in Àfrica in cumpangia de Tiziana Nuvoli, collega e cumpàngia, chi a bellu a bellu essit a campu in sa vida sua.

A pustis de su programa in Videolina e su reportage filmadu de is biàgios suos paris cun Tiziana Nuvoli, Floris dimustrat meda abilitade a contare is aventuras suas peri cun s'iscritura.

A s'acabbu de sa presentada, s'autore, acumpangiadu dae sa semper presente Nu, s'est istentadu cun su pùlicu, chistionende e firmende còpias de su libru.